

四庫全書

經部

欽定四庫全書

經部  
春秋本例卷一至五

詳校官監察御史<sub>臣</sub>徐如澍

給事中<sub>臣</sub>溫常綬覆勘

覆校官中書<sub>臣</sub>呂雲棟

校對官助教<sub>臣</sub>羅萬選

謄錄舉人<sub>臣</sub>徐秉敬

欽定四庫全書

經部五

春秋本例

春秋類

提要

臣等謹案春秋本例二十卷宋崔子方撰子  
方字彥直涪陵人為人介而有守黃庭堅極  
稱其賢紹聖中罷春秋取士子方三上書乞  
復之不報其為是書也大旨謂聖人之書編  
年以為體舉時以為名著日月為例而日

月之例又其本乃列一十六門皆以日月時  
例之而分著例變例二則州分部居自成條  
理考春秋公羊穀梁二傳專以日月為例固  
有穿鑿破碎之病然二傳之作去聖人時代  
猶近遞相授受其學必有所傳自啖助趙匡  
陸淳諸人廢例言經舉漢晉以來相傳師說  
一概斥之亦不免於憑臆自用子方是書陳  
振孫書錄解題譏其墨守公羊未始不中其

失顧能於新學方熾異說漸起之時獨硜硜  
守先儒之舊訓雖所言不免膠固而要不失  
為謹嚴視後來無所師承而敢於放言高論  
者固猶有先儒篤實之遺矣春秋家有此一  
書亦未始非補偏救弊之道也乾隆四十二  
年三月恭校上

總纂官

臣紀昀

臣陸錫熊

臣孫士毅

總校官

臣

陸費墀

金下ノ  
ノ  
ノ  
ノ

わ  
り

春秋本例序

春秋之法以為天下有中外侯國有大小位有尊卑情有疏戚不可得而齊也是故詳中夏而略外域詳大國而略小國詳內而略外詳君而略臣此春秋之義而日月之例所從生也著日以為詳著時以為略又以詳略之中而著月焉此例之常也然而事固有輕重矣安可不詳所重而略所輕乎其槩所重者日其次者月又其次者時此亦易明爾然而以事之輕重錯於大小尊卑

疏戚之間又有變例以為言者此日月之例至於參差  
不齊而後世之論所以不能合也今考之春秋之法權  
事之輕重而著為之例分其類而條次之可以具見而  
不疑若夫事有疑於其例者則備論焉且嘗論聖人之  
書編年以為體舉時以為名著日月以為例春秋固有  
例也而日月之例蓋其本也故號本例嗚呼學者苟通  
乎此則於春秋之義斯過半矣



欽定四庫全書

春秋本例卷一

宋 崔子方 撰

例目

王門

例日 凡三

師敗

崩 葬

例月 凡四

居入狩殺其弟

王后門

王姬附

例日

凡一

卒

王姬

例月

凡三

逆王后  
王后歸  
王姬歸

例時

凡一

內逆王姬

王臣門

例日 凡一

卒

例月 凡五

立 奔 救 殺 葬

例時 凡三

來 來求 來聘

凡王事門

例月 凡七

王室亂

使來聘

錫命

歸脤

歸賵

使求

會葬

公門

例日 凡七

即位

朝

盟

孫

喪至

薨

葬

例月 凡二十五

會如至在居還  
復次遇至以城  
侵伐圍取追救  
納狩觀視平國成亂  
釋諸侯

子門

例日

凡二

生卒

夫人門

例日 凡六

入 致 孫 喪至 薨 葬

例月 凡八

公納幣 公逆女 姑逆婦 大夫逆女

至 大夫以夫人至 歸 饗

例時 凡六

會 如 至 大夫納幣 諸侯逆女

大夫宗婦覲

內女門

例日 凡一

卒

例月 凡四

大夫為君逆

歸

執

葬

例時 凡十二

來納幣

大夫自逆

致女

來媵

來

來歸

復歸

遇

逆婦

求婦

朝子

逆喪

內大夫門

例日

凡三

奔

刺

卒

例月

凡二

盟

執

例時

凡二十五



莅盟會如至來來歸

還復逆媵告糴乞師

墮邑疆田城入邑侵伐

圍取救次戍歸喪

如葬

宗廟郊祭門

例日凡十一

立宮作主郊禘大事烝

嘗  
有事  
繹  
從祀  
納鼎

例月  
凡五

考宮獻羽  
卜郊  
用牲于社

不告月猶朝廟  
屋壞

例時  
凡二

丹楹  
刻桷

內戎事門

例日  
凡五

戰 敗 治兵 大閱 焚邑

例月 凡三

作軍 舍軍 作甲

凡內事門

例月 凡三

諸侯來盟 肆眚 邑潰

例時 凡四十九

來盟 來朝 來聘 來會 來唁

來言

來求

來輸平

胥命

凡來

以來

逃來

來獻捷

來歸俘

來歸襚

來奔喪

來會葬

侵我

伐我

圍內邑

入內邑

取內邑

取內田

內入邑

內取邑

內取田

歸內田

假田

稅畝

田賦

蒐

狩

乞師

來乞師

平

戍

次

師救

師圍

師還

歸

城

築 作 浚 毀 竊

得 取殺

凡外事門

例日 凡十一

戰 敗 入 滅 國滅以君歸

國君滅 誘殺國君 盜殺國君

執國君用之 弑君 卒

例月 凡十七

諸侯盟 立君 執國君 獲國君

釋國君 國君奔 國君歸 國君入

敗小國 入小國 滅小國 戕國君

國遷 國潰 亡 克 葬

例時 凡四十七

諸侯會 大夫盟 大夫會 相如 如會

如師 乞盟 平 還 次

遇 以 逃歸 大去

小國君奔

小國君入

小國君歸

執小國君

大夫奔

大夫歸

大夫入叛

殺世子

殺君之子

執世子用之殺大夫

盜殺大夫

獲大夫執大夫放大夫討賊侵

伐圍取救納降

戍襲殲弃師取師遷邑

入郛城小國葬

外域門

例月 凡八

公與盟 滅諸國 入諸國 敗諸國

為諸國滅 國滅以君歸 弑君 卒

例時 凡十六

諸國與盟 諸國與戰 為諸國敗

為諸國侵 為諸國伐 為諸國圍

侵諸國 伐諸國 圍諸國 救諸國



執歸

誘殺

相滅

相入

相敗

相伐

內災異門

例日

凡六

日食

地震

震電

山崩

星變

災

例月

凡二

雨雪

隕霜

例時凡十二

有年 無麥禾 李梅實 大水 旱

饑 有蜚 有蜮 多麋

有鸛鵒 蜾生 獲麟

不著例凡八

星孛 雹 無冰 雨木冰

螟 蝻 雩 不雨

外災異門 凡一

災

例時

凡七

大災

火

山崩

大水

雨螽

隕石

鷦退飛

春秋本例卷一

欽定四庫全書

春秋本例卷二

宋 崔子方 撰

王門

例日

師敗

成元年秋王師敗績于茅戎

以時志而知例日者春秋以軍事為重故

凡戰敗例皆日則王師之敗固當日矣王者之師天下莫敢校今茅戎乃能敗之春秋深惡焉

故其詞使若王師自敗于彼云  
爾又特略其事而以時志也

右一變例

崩

隱三年三月庚戌天王崩

桓十五年春三月乙未天王崩

僖八年冬十有一月丁未天王崩

文八年秋八月戊申天王崩

宣二年冬十月乙亥天王崩

成五年冬十有一月己酉天王崩

襄元年秋九月辛酉天王崩

襄二十八年冬十有二月甲寅天王崩

昭二十二年夏四月乙丑天王崩

右九著例

葬

莊三年夏五月葬桓王

其不日蓋譏也譏不及禮而葬也

文九年春二月辛丑葬襄王

宣三年春王正月葬匡王

襄二年春王正月葬簡王

昭二十二年夏六月葬景王

右五著例一變例四

五書葬其不及禮者四何其失禮多耶且凡葬

皆以內往葬為詞春秋九書王崩而書葬五則內之不赴葬者凡四也以天子之葬而諸侯不往會者如此之多則宜其不及禮者亦多也有以見王室之微矣

例月

居



僖二十四年冬天王出居于鄭

王者無外然則天王之出見不能乎

其家而出也其曰出失內之辭爾然於外猶得其所居焉故曰天王出居于鄭也夫貴為天子而不能容其母弟以得罪于母亦甚矣故春秋盡其辭且不月以見譏

昭二十二年六月劉子單子以王猛居于皇

王猛非正

例不月此承  
葬景王月

昭二十三年秋七月天王居于狄泉

右三著例一其變例二

入

昭二十二年秋劉子單子以王猛入于王城

入王城不

月知居于皇亦不月者也居入不月  
然後知王猛之非正而春秋譏矣

昭二十六年冬十月天王入于成周

右二著例一其變例一

狩

僖二十八年冬天王狩于河陽

溫河陽之邑也晉文始霸會諸侯于

溫而王適於是時為河陽之狩蓋王實畏晉欲  
來會之故假狩事以行耳春秋不月王之行所  
以見譏而三家皆謂再致天  
王諱之似誤矣詳具經解

右一變例

殺其弟

襄三十年五月天王殺其弟佞夫

右一著例

王后門

王姬附

例日

卒

莊二年秋七月齊王姬卒

右一

王后外夫人卒葬皆不書王姬由魯嫁猶內女且來赴故卒之也死人之重事

例皆日然不以是為譏王姬不日卒蓋闕也凡薨卒有不日者皆類此

例月

逆王后

桓八年冬十月祭公來遂逆王后于紀

承雨雪月

襄十五年二月劉夏逆王后于齊

承盟月王后天下之母而使士

逆士賤非所以逆王后也故不月以見之詳具經解

右二變例

王后歸

桓九年春紀季姜歸于京師

自紀言之猶略也

右一變例

王姬歸

莊元年冬十月王姬歸于齊

承陳侯卒月

莊十一年冬王姬歸于齊

右二變例

內女歸例月知王姬歸亦例月矣王姬歸不書主我故書齊魯仇讎

之國而為之主婚姻雖有天子之命可以辭矣故不月以見譏

例時

內逆王姬

莊元年夏單伯逆王姬

齊魯仇讎之國而為之主婚姻雖有天子之命可以

辭矣故不月以見  
譏逆王姬例月

右一變例

王臣門

例日

卒

隱三年夏四月辛卯尹氏卒

文三年夏五月王子虎卒

昭二十二年冬十月王子猛卒

定四年秋七月劉卷卒

右四著例一其失日三

例月

立

昭二十三年秋七月尹氏立王子朝

右一著例

奔

成十二年春周公出奔晉

凡自周無出周公之出不能乎其國而出也周

公有國於王畿矣故特從小國例而不月不月然後知周公不能乎其國而出明矣

襄三十年五月王子瑕奔晉

昭二十六年冬十月尹氏召伯毛伯以王子朝奔

楚

右三著例二其變例一



救

莊六年春王正月壬子突救衛

救例時善其能救衛也故詳志

而月之也

右一著例

殺

宣十五年六月王札子殺召伯毛伯

右一著例

葬

定四年秋七月葬劉文公

右一著例

例時

来

隱元年冬十有二月祭伯来

為天子之大夫而私覲諸侯罪矣故月之

以見譏凡来例時

右一著例

来求

隱三年秋武氏子來求賻

文九年春毛伯來求金

右二著例

來聘

莊二十三年春祭叔來聘

右一著例

凡王事門

例月

王室亂

昭二十二年六月王室亂

右一著例

使來聘

隱七年冬天王使凡伯來聘

隱九年春天王使南季來聘

桓四年夏天王使宰渠伯糾來聘

桓五年夏天王使仍叔之子來聘

桓八年春正月天王使冢父來聘

承烝月

僖三十年冬天王使宰周公來聘

宣十年秋天王使王子來聘

右七變例

以時志而知例月者春秋之例以尊卑為詳略故凡王事未有不月

者其不月志者譏也周官時聘以諭諸侯之志則王使來聘蓋可也然終春秋之世周之聘魯者七而魯之臣如京師者五見周之所交魯之禮厚而魯之所以事周之禮薄而上下皆失之矣春秋之所不與故於內之如京師者不言聘而於王使來聘則去月以見譏

錫命

莊元年冬十月王使榮叔來錫桓公命

文元年夏四月天王使毛伯來錫公命

成八年秋七月天子使召伯來錫公命

右三著例

歸賑

定十四年秋天王使石尚來歸賑

周官歸賑以交諸侯之福則王

使歸賑蓋可也用見周之交魯之禮厚而魯之所以事周之禮薄而上下皆失之矣春秋之所

不與故猶不月以見  
譏與來聘不月同例

右一變例

歸贈

隱元年秋七月天王使宰咺來歸惠公仲子之贈  
文五年春王正月王使榮叔歸舍且贈

右二著例

使求

桓十五年春二月天王使冢父來求車

右一著例

會葬

文元年二月天王使叔服來會葬

文五年三月王使召伯來會葬

右二著例

春秋本例卷二



欽定四庫全書

春秋本例卷三

宋 崔子方 撰

公門

例日

即位

桓元年春王正月公即位

文元年春王正月公即位

宣元年春王正月公即位

成元年春王正月公即位

襄元年春王正月公即位

昭元年春王正月公即位

定元年六月戊辰公即位

哀元年春王正月公即位

右八著例一其變例七

七以月志而知例日者內之重事例當日

也凡君薨子繼於是即位然則即位當在先君之年嫌一年而二君故於嗣君之年正月

書之追治之也見即位者嗣君之始焉爾追治之事不可以日志也定公則異是矣故以日即位日即位其例也

朝

僖二十八年五月癸丑公朝于王所

是年冬壬申公朝于王所

有日無月蓋月闕

右二著例

盟

隱元年三月公及邾儀父盟于蔑

公始即位不能自信而顧與邾

為盟卒又渝之故不  
日以見譏公盟例日

隱六年夏五月辛酉公會齊侯盟于艾

隱八年九月辛卯公及莒人盟于浮來

桓元年夏四月丁未公及鄭伯盟于越

桓十二年夏六月壬寅公會杞侯莒子盟于曲池

是年秋七月丁亥公會宋公燕人盟于穀丘

是年冬十有一月丙戌公會鄭伯盟于武父

桓十七年春正月丙辰公會齊侯紀侯盟于黃

是年二月丙午公會邾儀父盟于雒

莊九年春公及齊大夫盟于訒

是時齊無君其曰齊大夫衆辭也雖

然當其無君可以無盟矣又不正公之釋怨而與仇盟春秋深惡焉故不月與日以見譏

莊十三年冬公會齊侯盟于柯

是時魯亦強國而鄰於齊齊欲圖霸

而魯數不會故齊為柯之盟以親魯也齊桓不能修德以來諸侯而顧為私盟以屬魯以桓公為病矣且公前年納其仇不克親與齊戰今乃從而受盟以公亦病矣故不月與日以見譏

莊十六年冬十有二月會齊侯宋公陳侯衛侯鄭

伯許男曹伯滑伯滕子同盟于幽

公羊曰公會當從公羊加

公字桓盟不  
日齊始霸也

莊二十二年秋七月丙申及齊高侯盟于防

著日而盟

蓋公盟也不言公大夫不敵也且又喪盟何以不譏譏喪盟例去日去日則無用見其為公盟也春秋欲有所見者不嫌矣詳具經解

莊二十三年冬十有二月甲寅公會齊侯盟于扈

桓盟不日不正齊魯之為是盟復日之以見譏也

莊二十七年夏六月公會齊侯宋公陳侯鄭伯同

盟于幽

齊桓始霸也凡桓文之盟不日以著其信

閔元年秋八月公及齊侯盟于落姑

桓盟不日

僖五年秋八月諸侯盟于首止

桓盟不日

僖七年秋七月公會齊侯宋公陳世子款鄭世子

華盟于甯母

桓盟不日

僖八年春王正月公會王人齊侯宋公衛侯許男

曹伯陳世子款盟于洮

桓盟不日

僖九年九月戊辰諸侯盟于葵丘

桓盟不日以著其信且葵丘之

盟束牲載書而不歃血加五命以令諸侯此桓公之盛而反加日何也周衰之末天下無王諸

侯有能行王政而興起者則易然也以桓公之  
威管仲之賢而不能有志乎此乃區區為霸者  
之政此孔子之門所以小管仲而下桓文雖然  
當是時攘戎狄安中國九合諸侯免民於左社  
之患者桓公之功也春秋與其霸而小其不至  
於王故於九合之會則信之以著其美而於葵  
丘之盟則變例以見譏焉然獨於是盟然後見  
譏何也猶曰桓之盛極此而已無能為矣故譏  
之也

僖十五年三月公會齊侯宋公陳侯衛侯鄭伯許

男曹伯盟于牡丘

桓盟  
不日

僖二十一年十有二月癸丑公會諸侯盟于薄釋



宋公

僖二十五年冬十有二月癸亥公會衛子莒慶盟

于洮

僖二十六年春王正月己未公會莒子衛甯速盟

于向

僖二十七年十有二月甲戌公會諸侯盟于宋

僖二十八年五月癸丑公會晉侯齊侯宋公蔡侯

鄭伯衛子莒子盟于踐土

晉文始霸也桓文之盟不日以著其信則

此何以日為下公朝于王所當日也加  
日於上知既盟而朝同在癸丑之日耳

文二年三月乙巳及晉處父盟

著日而盟蓋公盟也

敵也是又喪盟何以不譏譏喪盟例去日去日則無用見其為公盟也春秋欲有所見者不嫌

矣詳具

經解

文三年十有二月己巳公及晉侯盟

文七年秋八月公會諸侯晉大夫盟于扈

是時晉侯新立

故諸侯相與會于晉境而聽事焉晉侯不能親諸侯乃使大夫抗禮而主盟此諸侯之恥而晉之罪也故不敘諸侯不名晉大夫以略之又不得見識則異乎同盟于新城矣詳具經解

文十三年十有二月乙丑公及晉侯盟

文十四年六月公會宋公陳侯衛侯鄭伯許男曹

伯晉趙盾癸酉同盟于新城

文十七年六月癸未公及齊侯盟于穀

宣十七年六月己未公會晉侯衛侯曹伯邾子同

盟于斷道

成二年十有一月丙申公及楚人秦人宋人陳人

衛人鄭人齊人曹人邾人薛人鄆人盟于蜀

成三年冬十有一月丙午及荀庚盟丁未及孫良

夫盟

此皆聘而後盟也著日而盟知其為公矣不言公大夫不敵也大夫何以不貶彼以

賓客之道來我固與之盟爾其諸類此

成五年十有二月己丑公會晉侯齊侯宋公衛侯

鄭伯曹伯邾子杞伯同盟于蟲牢

成七年八月戊辰同盟于馬陵

救鄭諸侯

成九年春王正月公會晉侯齊侯宋公衛侯鄭伯

曹伯莒子杞伯同盟于蒲

自文宣以來晉楚於是爭盟而伐鄭鄭從

晉則楚師至從楚則晉師至然鄭固欲親中國  
自宣二年晉宋衛陳之役而鄭之從晉者十年  
其後蜀之盟楚實合十二國之衆以臨諸侯鄭  
於是在楚故晉侯伐鄭蟲牢之會鄭伯受盟及  
蒲之會所以尋前日之盟也鄭固未有罪耳而  
晉人於秋執鄭伯樂書伐鄭明年衛侵鄭諸侯  
復伐鄭而鄭亦不賓乍合乍離及楚人一有討  
於鄭而鄭即甘心於楚蓋怒晉之無信不恤小  
國之禍而輕辱人君乃與楚比伐許侵宋同撓  
諸夏凡二十年之間諸侯會盟侵伐城戍魯無  
虛歲認認然以失鄭為憂是禍也晉有以啓之  
以不信蒲之盟故也春秋不日其盟所以起其  
事而見  
譏焉

成十一年春王三月己丑及邠犢盟

聘而後盟

成十五年三月癸丑公會晉侯衛侯鄭伯曹伯宋

世子成齊國佐邾人同盟于戚

成十七年六月乙酉同盟于柯陵

伐鄭諸侯

襄三年夏四月壬戌公及晉侯盟于長樗

是年六月公會單子晉侯宋公衛侯鄭伯莒子邾

子齊世子光己未同盟于雞澤

襄七年冬十月壬戌及孫林父盟

聘而後盟

襄九年十有二月己亥同盟于戲

伐鄭諸侯

襄十一年秋七月己未盟于亳城北

伐鄭諸侯

襄十五年二月己亥及向戌盟于劉

聘而後盟

襄十九年春王正月諸侯盟于祝柯

此圍齊諸侯也諸侯患齊

之強數事侵伐故欲同圍之然而不能而遂為此盟其盟也有不同者矣此邾子所以執也故不與同又不日以見譏焉

襄二十年夏六月庚申公會晉侯齊侯宋公衛侯

鄭伯曹伯莒子邾子滕子薛伯杞伯小邾子盟

于澶淵

襄二十五年秋八月己巳諸侯同盟于重丘

會夷儀諸

侯

昭十三年八月甲戌同盟于平丘公不與盟

會平丘諸

侯詳具

經解

昭二十六年秋公會齊侯莒子邾子杞伯盟于鄆

陵

二十五年公孫于齊齊謀納公莒邾杞皆齊之與國故同為鄆陵之盟也且公實有國而

不處反因他人以求入而卒以不能鄆陵之盟為不韙矣其不與同以見四國之盟有不同者

矣故不月與日以見譏此昭公所以終去如晉也



定四年五月公及諸侯盟于皐鼬會名陵諸侯也諸侯為蔡之故

以侵楚然終不能為蔡釋怨於楚使蔡去中夏而即夷故明年蔡侯以吳子及楚人戰于柏舉遂復蔡怨故皐鼬之盟不日亦不與同所以譏諸侯之無能為而傷中夏之微也

定十二年冬十月癸亥公會齊侯盟于黃

右五十四著例四十四其變例十

孫

昭二十五年九月己亥公孫于齊

右一著例

喪至

桓十八年夏四月丁酉公之喪至自齊

定元年夏六月癸亥公之喪至自乾侯

右二著例

薨

隱十一年冬十有一月壬辰公薨

桓十八年夏四月丙子公薨于齊

莊三十二年秋八月癸亥公薨于路寢

閔二年秋八月辛丑公薨

僖三十三年十有二月乙巳公薨于小寢

文十八年春王二月丁丑公薨于臺下

宣十八年冬十月壬戌公薨于路寢

成十八年八月己丑公薨于路寢

襄三十一年夏六月辛巳公薨于楚宮

昭三十二年十有二月己未公薨于乾侯

定十五年夏五月壬申公薨于高寢

右十一著例

葬

桓十八年冬十有二月己丑葬我君桓公

閔元年夏六月辛酉葬我君莊公

文元年夏四月丁巳葬我君僖公

文十八年六月癸酉葬我君文公

成元年二月辛酉葬我君宣公

成十八年十有二月丁未葬我君成公

襄三十一年冬十月癸酉葬我君襄公

定元年秋七月癸巳葬我君昭公

定十五年九月丁巳葬我君定公

右九著例

春秋本例卷三

欽定四庫全書卷

春秋本例卷四

宋 崔子方 撰

公門

例月

會

隱二年春公會戎于潛

不正公之會戎且又喪會故不月以見譏

隱九年冬公會齊侯于防

當是時桓公羽父相與謀亂公顧不能靖內難

至於身絀而不知  
故不月以見譏

隱十年春王二月公會齊侯鄭伯于中丘

隱十一年夏公會鄭伯于時來

桓元年三月公會鄭伯于垂

桓二年三月公會齊侯陳侯鄭伯于稷

桓三年春正月公會齊侯于嬴

是年六月公會杞侯于郕

是年九月公會齊侯于謹



桓六年夏四月公會紀侯于郕

桓十年秋公會衛侯于桃丘弗遇

弗有故意衛侯故不欲會公其

不月凡不成會者例不月

桓十一年九月公會宋公于夫鍾

是年冬十有二月公會宋公于闕

桓十二年八月公會宋公于虛

是年冬十有一月公會宋公于龜

桓十四年春正月公會鄭伯于曹

桓十五年五月公會齊侯于艾

桓十六年春正月公會宋公蔡侯衛侯于曹

桓十八年春王正月公會齊侯于濼

莊二十七年春公會杞伯姬于洮

婦人既嫁見兄弟不踰閭而公

會伯姬于洮故  
不月以見譏

是年冬公會齊侯于城濮

桓文之盟不日桓文之  
會不月蓋信而安之春

秋變例以美  
二伯者如此

僖元年八月公會齊侯宋公鄭伯曹伯邾人于榿

桓會不月譏公

喪會故加月

僖五年夏公及齊侯宋公陳侯衛侯鄭伯許男曹

伯會王世子于首止

桓會不月

僖九年夏公會宰周公齊侯宋子衛侯鄭伯許男

曹伯于葵丘

桓會不月

僖十一年夏公及夫人姜氏會齊侯于陽穀

桓會不月

僖十三年夏四月公會齊侯宋公陳侯衛侯鄭伯

許男曹伯于鹹

桓會不月承  
葬陳宣公月

僖十六年冬十有二月公會齊侯宋公陳侯衛侯

鄭伯許男邢侯曹伯于淮

齊桓之霸凡十二會而孔子獨稱九合諸

侯蓋道其不以兵車而已壯丘之盟陽穀之會淮之會蓋有兵車也是時桓德既衰楚亦內侮伐徐敗婁林之師桓公於是合諸侯以救之又為之伐厲伐英氏以報楚則其有兵車亦明矣故淮之會則加月以見譏

僖二十八年冬公會晉侯齊侯宋公蔡侯鄭伯陳

子莒子邾子秦人于溫

文會不月

文十三年冬衛侯會公于沓

公如晉故不月矣詳具經解

是年十有二月鄭伯會公子渠

宣元年夏公會齊侯于平州

此喪會故不以見譏

宣七年冬公會晉侯宋公衛侯鄭伯曹伯于黑壤

是年夏會伐萊秋而至冬又會黑壤春而至其間大旱之不恤且古者凶荒殺禮簡政今公區區以侵伐期會為急亦不知務矣故不月以見譏

成二年十有一月公會楚公子嬰齊于蜀

成十二年夏公會晉侯衛侯于瑱澤

不月蓋譏也然未有見焉

春秋以例著者不疑也亦然或月闕耳

成十六年秋公會晉侯齊侯衛侯宋華元邾人于

沙隨不見公

是蓋魯有內難故往後期而諸侯不及見公耳不見公故不月也詳

具經

解

襄五年秋公會晉侯宋公陳侯衛侯鄭伯曹伯莒

子邾子滕子薛伯齊世子光吳人鄆人于戚

春秋

尊中國而

先吳於鄆

諸侯之罪也故不月以見譏

襄七年十有二月公會晉侯宋公陳侯衛侯曹伯

莒子邾子于郕

襄十年春公會晉侯宋公衛侯曹伯莒子邾子滕

子薛伯杞伯小邾子齊世子光會吳于柤

再言會即

吳也吳夷也不正以諸侯之尊即吳而遠會故不月以見譏

襄十一年秋七月會于蕭魚

伐鄭諸侯

襄十六年三月公會晉侯宋公衛侯鄭伯曹伯莒

子邾子薛伯杞伯小邾子于溴梁

襄二十一年冬十月公會晉侯齊侯宋公衛侯鄭

伯曹伯莒子邾子于商任

襄二十二年冬公會晉侯齊侯宋公衛侯鄭伯曹

伯莒子邾子薛伯杞伯小邾子于沙隨

傳稱會于沙隨

復錮欒氏猶信也前年秋欒盈出奔楚晉私以一大夫之故暮年之間再合諸侯見晉之失正而非所以令諸侯也齊人於是不賓明年伐衛遂伐晉則當時之事可知矣始令猶可再令而譏矣故沙隨之會不月以見之

襄二十四年秋八月公會晉侯宋公衛侯鄭伯曹

伯莒子邾子滕子薛伯杞伯小邾子于夷儀

襄二十五年夏五月公會晉侯宋公衛侯鄭伯曹



伯莒子邾子滕子薛伯杞伯小邾子于夷儀

襄二十六年夏公會晉人鄭良霄宋人曹人于澶

淵

不正公與大夫會  
故不月以見譏

昭十三年秋公會劉子晉侯齊侯宋公衛侯鄭伯

曹伯莒子邾子滕子薛伯杞伯小邾子于平丘

八月甲戌同盟于平丘公不與盟是蓋諸侯不肯與公盟也諸侯不肯與公盟而曰公不與盟蓋諱之也使若公自不盟云爾故不月公之行以見之詳具經解

定八年夏公會晉師于瓦

不正公之會晉師  
故不月以見譏

定十年夏公會齊侯于夾谷

夾谷之會齊人伏甲以劫我是時孔子相

焉而謀以不行然則是會也亦殆矣故不月以見譏

定十四年五月公會齊侯衛侯于牽

哀七年夏公會吳于鄆

不正公之會吳故不月以見譏

哀十二年夏五月公會吳于橐臯

會吳亦譏也承孟子卒月

是年秋公會衛侯宋皇瑗于鄆

喪會故不月以見譏然後知孟子昭

夫人而哀嫡祖母也

哀十三年夏公會晉侯及吳子于黃池

是時吳實主會其曰

會晉及吳主晉而賓吳也辭費矣然而吳子進  
矣進吳子所以傷中國之亡也故不月以見焉  
猶曰是非中國  
得意之會云爾

右五十三著例三十二其變例二十一

如

桓十八年春王正月公與夫人姜氏遂如齊

莊二十二年冬公如齊納幣

解具納幣下

莊二十三年夏公如齊觀社

解具觀社下

莊二十四年夏公如齊逆女

解具逆女下

僖十年春王正月公如齊

僖十五年春王正月公如齊

僖三十三年冬十月公如齊

文三年冬公如晉

譏亟朝也凡公如某而不目其事者皆朝也周官之制諸侯有

世相朝之禮春秋之時天下無王霸主更盟故一君有再三朝者春秋權事之宜猶與之至於比年亟朝則為已甚然後譏焉故凡比年亟如皆不月者所以見譏也文二年三月乙巳及晉處父盟此蓋公在晉而盟也傳謂晉人以公不朝來討故公如晉晉使處父盟公以恥之猶信也春秋不書公如晉蓋諱之而於三年譏亟朝則二年之盟公在晉不疑矣

文十三年冬公如晉

下書衛侯會公于沓蓋是時公方修禮于大國而遽與他

國私會以為失事盟主之道故不月以見譏

宣四年秋公如齊

宣五年春公如齊

比年而朝譏亟也

宣九年春王正月公如齊

八年六月夫人熊氏薨然則此喪朝也何以不

譏禮庶子為後為其母總宣公以庶立故春秋不譏喪朝然後知妾母不得稱夫人明矣且下十年兩如齊而此不譏亟朝春秋欲有所見者不嫌也

宣十年春公如齊

譏亟

是年夏四月公如齊

承日食月

成三年夏公如齊

譏亟

成四年夏四月公如晉

承臧孫卒月

成十年秋七月公如晉

成十三年三月公如京師

成十八年春王正月公如晉

譏亟承殺大夫月

襄三年春公如晉

譏亟且喪朝

襄四年冬公如晉

譏亟

襄八年春王正月公如晉

襄十二年冬公如晉

公比年伐鄭出會曾未息肩而又朝于晉夫內奔其國事

而區區以侵伐期會朝聘之為急亦不知務矣故不月以見譏十年伐鄭戍虎牢十一年夏伐鄭盟亳城北秋又伐鄭會蕭魚是也春秋凡此志譏矣

襄二十一年春王正月公如晉

襄二十八年十有一月公如楚

昭二年冬公如晉至河乃復

解具復門

昭五年春王正月公如晉

昭七年三月公如楚

昭十二年夏公如晉至河乃復

昭十三年冬公如晉至河乃復

昭十五年冬公如晉

十二年十三年兩如晉皆不得入見鄙於大國猶不自愧

而復朝焉雖不至河而復猶譏也春秋之義豈遠於人情哉

昭二十一年冬公如晉至河乃復

昭二十三年冬公如晉至河有疾乃復

昭二十七年春公如齊

是時公失國居鄆故凡如齊如晉皆不月以見譏



是年冬十月公如齊

承曹午  
卒月

昭二十八年王三月公如晉次于乾侯

解具  
次門

昭二十九年春公如晉次于乾侯

公比如晉而不  
得入故皆不月

也

定三年春王正月公如晉至河乃復

右三十八著例十七其變例二十一

春秋本例卷四

欽定四庫全書

春秋本例卷五

宋 崔子方 撰

公門

例月

凡月往則月至不月往則不月至不月往不月至皆譏也惟桓文之例則異是

至

桓二年冬公至自唐

春秋賤桓於桓之事未有譏焉者然此不月至何也春秋

之例內地例不致其致者例不月文十七年至自穀定十三年至自圍成是其例也唐內地

桓十六年秋七月公至自伐鄭月往

莊六年秋公至自伐衛月往

莊二十三年春公至自齊月往

是年夏公至自齊月往

莊二十四年秋公至自齊月往

莊二十六年夏公至自伐戎月往

僖四年八月公至自伐楚桓會不月往為葬許穆公月

僖六年冬公至自伐鄭桓會不月往

僖十五年九月公至自會

桓會不月往為己卯晦月

僖十七年九月公至自會

桓會例不月淮之會譏也故月往而月致詳具

解經

僖二十六年冬公至自伐齊

不月往

僖二十九年春公至自圍許

文會不月往

僖三十三年十有二月公至自齊

月往

文四年春公至自晉

不月往

文十四年春王正月公至自晉

不月往而月致何也十三年冬公如

晉衛侯會公于沓是時公方修禮于大國而遽  
與他國私會以為失事霸主之道故不月以見  
譏下書十有二月乙丑公及晉侯盟公還自晉  
鄭伯會公于棐以為卒事于大國然後可與他  
國會故特月致見卒事而  
會不譏始往而會者譏耳

是年秋七月公至自會

往月

文十七年秋公至自穀

內地例不致其致例不月是時齊方以子叔姬之罪

致責于我魯數求齊盟而不得穀之  
盟非得意之盟也故特致焉穀內地

宣四年秋公至自齊

往不月

宣五年夏公至自齊

往不月

宣八年春公至自會

往 不月

宣九年春王正月公至自齊

往 月

宣十年春公至自齊

往 不月

是年五月公至自齊

陳弒君 不月 往承 月

宣十七年秋公至自會

公之立事齊而不事晉 豈 月往而不月致有譏也 宣

斷道之會而晉有責于 我乎故不月致以見之

成三年二月公至自伐鄭

往 月

是年夏公至自晉

往 不月

成四年秋公至自晉

往 不月

成六年春王正月公至自會

往 月

成七年八月公至自會

不月往而月至  
承戊辰盟月

成九年春王正月公至自會

往 月

成十一年春王三月公至自晉

往至  
同月

成十三年秋七月公至自伐秦

往 月

成十五年三月公至自會

往至  
同月

成十六年秋公至自會

往 不月



是年十有二月公至自會

不月往而月致  
承季孫盟月

成十七年秋公至自會

不月往

是年十一月公至自伐鄭

不月往而月致  
為仲嬰齊卒月

成十八年夏公至自晉

不月往

襄三年夏四月公至自晉

不月往而月致  
承晉盟月

是年秋公至自會

月往而不月致所譏不在往會  
而在已會蓋不正諸侯為會而

乃使大夫主盟故譏也與

溴梁之會不月致同例

襄五年春公至自晉

不月往

是年秋公至自會

不月往

是年十有二月公至自救陳

不月往而月致為行父卒月

襄八年夏公至自晉

月往而不月致是時公在晉而季孫宿會晉侯鄭伯齊人

宋人衛人邾人于邢丘夫魯君在晉而晉侯乃與其大夫會舍君而與臣則季氏專魯而公不得為政可知矣且公以禮出事人然而內不能制其臣外見鄙於大國久留于晉故不月致以

見譏

襄十年夏五月公至自會

不月往而月致承滅偃陽月

是年冬公至自伐鄭

不月往

襄十一年秋七月公至自伐鄭

承己未盟月此譏  
亟伐鄭往至皆不

月

是月公至自會

同上  
譏

襄十三年春公至自晉

不月  
往

襄十六年夏公至自會

月往而不月致蓋不正諸  
侯為會而乃使大夫主盟

故譏也與雞澤之盟不  
月致同例詳具經解

襄十九年春王正月公至自伐齊

往月

襄二十年秋公至自會

月往而不月致公與邾子  
盟澶淵比至於國而大夫

已伐邾矣不正公之渝盟而亟伐故以見  
譏也然後知澶淵之盟故不與同明矣

襄二十一年夏公至自晉

月往而不月致豈公如  
晉朝以謝背盟伐邾之

故而晉猶有責於  
我乎故以見譏也

襄二十二年春王正月公至自會

往至  
同月

是年冬公至自會

不月  
往

襄二十四年冬公至自會

不月  
往

襄二十五年秋八月公至自會

月  
往

襄二十九年夏五月公至自楚

昭五年秋七月公至自晉

往月

昭七年九月公至自楚

往月

昭十三年八月公至自會

不月往而月致承同盟月

昭十六年夏公至自晉

往不月

昭二十六年三月公至自齊居于鄆

解具居鄆下

是年秋公至自會居于鄆

昭二十七年春公至自齊居于鄆

是年冬十月公至自齊居于鄆

昭二十九年春公至自乾侯居于鄆

定四年秋七月公至自會

往月

定六年二月公至自侵鄭

往月至同月

定八年春王正月公至自侵齊

往月至同月

是年三月公至自侵齊

往月

是年夏公至自瓦

往不月

定十年夏公至自夾谷

往不月

定十二年十有一月公至自黃

往月

是年十有二月公至自圍成

往至同月

定十四年五月公至自會

往至同月

哀十年五月公至自伐齊

往會吳例不月為葬齊悼公月

哀十三年秋公至自會

不月往

右七十九著例三十其變例四十九

在

襄二十九年春王正月公在楚

昭三十年春王正月公在乾侯

昭公失國在外何不識正月以存

君之  
辭也

昭三十一年春王正月公在乾侯

昭三十二年春王正月公在乾侯

右四著例

居

昭二十六年三月公至自齊居于鄆

日孫故月致昭公自失國

往至皆不月居  
外亦不月以譏

是年秋公至自會居于鄆



昭二十七年春公至自齊居于鄆

是年冬十月公至自齊居于鄆

承曹伯卒月

昭二十九年春公至自乾侯居于鄆

右五變例

還

文十三年冬十有二月公還自晉

右一著例

復

昭二年冬公如晉至河乃復

公朝于晉晉人辭焉故至河乃復凡此志

譏也此又喪朝也

昭十二年夏公如晉至河乃復

昭十三年冬公如晉至河乃復

昭二十一年冬公如晉至河乃復

昭二十三年冬公如晉至河有疾乃復

定三年春王正月公如晉至河乃復

昭公之不得入于晉亦以

數矣定公之復容有故焉春秋亦譏其可譏者而已

右六著例一其變例五

次

莊三年冬公次于滑

是將救紀而不能者也傳曰將謀紀是也次止也公有畏

矣故不月以見譏

僖四年三月公會伐楚次于陘

僖十五年三月公會盟牡丘遂次于匡

昭二十五年九月己亥公孫于齊次于陽州

承孫齊月

昭公自失國凡如次居皆不月以譏

昭二十八年春王三月公如晉次于乾侯

承葬曹悼公月

昭二十九年春公如晉次于乾侯

右六著例二其變例四

遇

隱四年夏公及宋公遇于清

莊二十三年夏公及齊侯遇于穀

莊三十年冬公及齊侯遇于魯濟

右三變例

周官有朝覲宗遇會同之禮春秋之時文不足也故皆謂之朝會而

所謂遇者特志其相遇而已禮記所謂未及期相見是也當是時諸侯不信期會失時故未有及期而相見者猶詩所謂邂逅相遇云爾凡遇之志皆譏也故不月以見之

至

僖二十六年春王正月公追齊師至鄆弗及

襄十五年夏公救成至遇

公救成而至遇不及乎事也凡春秋不及乎其

事者志以略此公行所以不月也

右二著例一其變例一

以

僖二十六年冬公以楚師伐齊

右一變例解具伐齊下

城

文七年春公伐邾三月甲戌取須句遂城邾

城卑者之

事而公親之其日無譏  
取須句而遂城邾也

右一變例

春秋本例卷五

欽定四庫全書

經部  
春秋本例卷十六

詳校官監察御史臣徐如澍

給事中臣溫常綬覆勘

覆校官中書臣呂雲棟

校對官原任中書臣徐步雲

謄錄監生臣陳國遴

欽定四庫全書

春秋本例卷六

宋 崔子方撰

公門

例月

侵

莊十年二月公侵宋

僖四年春王正月公會齊侯宋公陳侯衛侯鄭伯



許男曹伯侵蔡

桓會不月  
為蔡潰月

定四年三月公會劉子晉侯宋公蔡侯衛侯陳子

鄭伯許男曹伯莒子邾子頓子胡子滕子薛伯

杞伯小邾子齊國夏于台陵侵楚

定六年二月公侵鄭

定八年春王正月公侵齊

是年二月公侵齊

右六著例

伐

隱七年秋公伐邾

公始即位與邾結好而盟今親伐焉不正公之始渝盟而親師

故不以見譏

桓十五年冬十有一月公會宋公衛侯陳侯于袤

伐鄭

桓十六年夏四月公會宋公衛侯陳侯蔡侯伐鄭

莊五年冬公會齊人宋人陳人蔡人伐衛

不正公會四國

之微者以出故不以見譏

莊九年夏公伐齊納子糾

不正公釋怨而納仇人之子故不月以見譏

莊二十六年春公伐戎

戎未有害於我也而公伐之公不能內治其國而遠

事於戎以公為不知務矣故不月以見譏

是年秋公會宋人齊人伐徐

不正公會兩國之微者以出故不月以見

譏

僖四年春王正月公會齊侯宋公陳侯衛侯鄭伯

許男曹伯侵蔡蔡潰遂伐楚

桓會不月為蔡潰月

僖六年夏公會齊侯宋公陳侯衛侯曹伯伐鄭

桓會

不月

僖二十一年冬公伐邾

僖二十二年春公伐邾取須句

邾吾之與國也冬伐之春又伐之而

取其邑秋又與之戰以內為迫人已甚故不月以見譏

僖二十六年冬公以楚師伐齊取穀

公恃遠國之師以伐甥舅

之國而取其邑致怨之道故不月以見譏

僖三十三年夏四月公伐邾取訾婁

文七年春公伐邾三月甲戌取須句

僖二十二年伐邾取須句

須句既復於邾今又伐而取之不正其再取故  
不月伐而日取邑下兼譏遂城郛故著日也

宣四年春王正月公及齊侯平莒及邾莒人不肯

公伐莒取向

宣七年夏公會齊侯伐萊

解其會  
黑壤下

宣十八年春公伐杞

公伐杞不月又不致此有  
疑者或曰譏也具經解

成三年春王正月公會晉侯宋公衛侯曹伯伐鄭

成十年五月公會晉侯齊侯宋公衛侯曹伯伐鄭

成十三年夏五月公自京師遂會晉侯齊侯宋公

衛侯鄭伯曹伯邾人滕人伐秦

成十六年秋公會尹子晉侯齊國佐邾人伐鄭

是時

沙隨之會不見公晉人以為怒故伐鄭之役公強與焉此季孫行父所以執也即當時之言言之蓋公不得與伐鄭矣春秋以為恥而諱焉故猶書公伐鄭志其意也春秋之例會以會致伐以伐致各如其事焉今出伐鄭而曰至自會見實未嘗與伐也又不月以見譏

成十七年夏公會尹子單子晉侯齊侯宋公衛侯

曹伯邾人伐鄭

是年冬公會單子晉侯宋公衛侯曹伯齊人邾人

伐鄭

公比年伐鄭今又一歲之間而兩伐鄭春秋以為已甚故皆不月以見譏

襄九年冬公會晉侯宋公衛侯曹伯莒子邾子滕

子薛伯杞伯小邾子齊世子光伐鄭

不月譏喪師是年五

月夫人姜氏薨

襄十年秋公會晉侯宋公衛侯曹伯莒子邾子齊

世子光滕子薛伯杞伯小邾子伐鄭

不月譏喪師

襄十一年夏四月公會晉侯宋公衛侯曹伯齊世

子光莒子邾子滕子薛伯杞伯小邾子伐鄭

承邾

月

是年秋七月公會晉侯宋公衛侯曹伯齊世子光

莒子邾子滕子薛伯杞伯小邾子伐鄭

當不月以譏亟

伐猶成十七年之譏此承同盟月

哀七年秋公伐邾八月己酉入邾

解具入邾下

哀十年春王二月公會吳伐齊

會吳之微者譏也承邾子奔月

哀十一年五月公會吳伐齊

亦譏也為甲戌戰月

右三十著例九其變例二十一



園

僖六年夏公會齊侯宋公陳侯衛侯曹伯伐鄭園

新城

桓會  
不月

襄十八年冬十月公會晉侯宋公衛侯鄭伯曹伯

莒子邾子滕子薛伯杞伯小邾子同園齊

昭二十六年夏公園成

成內邑是時昭公孫在齊  
故欲取內邑也夫公實有

國而不能制其臣至於見逐反區區欲取一  
邑以自營見公之失君道矣故不月以見譏

定十二年十有二月公園成

右四著例三其變例一

取

隱十年六月辛未取郕辛巳取防

不正公以詐敗人之師旬浹之

間而取二邑故加日以見譏

僖二十二年春公伐邾取須句

僖二十六年冬公以楚師伐齊取穀

僖三十三年夏四月公伐邾取訾婁

文七年春公伐邾三月甲戌取須句

宣四年春王正月公及齊侯平莒及郟莒人不肯

公伐莒取向

齊魯強國以好平兩小國之怨而

復取邑以致怨於人以內  
為過是宜不月以見識

右六變例二其四解具伐下

追

莊十八年夏公追戎于濟西

戎過我于濟西未為  
有罪且亦疆場之事

耳而公固自追之失人君之  
重故不月以見識詳具經解

僖二十六年春王正月公追齊師至鄆弗及

右二著例一其變例一

救

莊二十八年秋公會齊人宋人救鄭

不正公會兩國之微者以

出故不月以見譏

成七年秋公會晉侯齊侯宋公衛侯曹伯莒子邾

子杞伯救鄭

春秋不與相侵伐則凡救者可也然陳鄭介二大國之間從楚則晉

師至從晉則楚師至晉楚爭陳鄭以為強弱一救一伐安有常哉然則救鄭非所以為鄭適以怒楚而致戰耳夫羣諸侯而莫益於事者亦春秋所不與故不月以見譏

襄五年冬公會晉侯宋公衛侯鄭伯曹伯齊世子

光救陳

救陳之譏猶成七年救鄭之譏也

襄十五年夏公救成至過

解其至遇下

右四變例

納

莊九年夏公伐齊納子糾

不正公之釋怨而納讎人之子故不月以見譏

右一變例

狩

桓四年春正月公狩于郎

莊四年冬公及齊人狩于禚

不正公之釋怒而不仇人之敵者狩故不

月以見譏

右二著例一其變例一

觀

隱五年春公觀魚于棠

凡蒐田之事不言公觀魚稱公與公狩于郎同義知

公私行而不與國人同之也故不月以見譏

莊二十三年夏公如齊觀社

諸侯非民事不越境而公乃如齊觀社又

未終母喪而從宴  
樂故不月以見譏

右二變例

視朔

文十六年夏五月公四不視朔

右一著例

平國

宣四年春王正月公及齊侯平莒及邾

右一著例

成亂

桓二年三月公會齊侯陳侯鄭伯于稷以成宋亂

右一著例

釋諸侯

僖二十一年冬十有二月癸丑公會諸侯盟于薄

釋宋公

右一著例

右凡公躬行之事無時以時志者譏也春秋賤桓



於桓之事無譏故六盟十二會二至二伐一如  
一狩即位薨葬喪至皆以例書蓋曰桓弟弑兄  
臣弑君而立乎其位此其大者不治則其餘無  
足譏焉耳

子門

例日

生

桓六年九月丁卯子同生

右一著例

卒

莊三十二年冬十月己未子般卒

文十八年冬十月子卒

襄三十一年秋九月癸巳子野卒

右三著例二其失日一

春秋本例卷六

欽定四庫全書

春秋本例卷七

宋 崔子方 撰

夫人門

例日

入

莊二十四年八月丁丑夫人姜氏入

右一著例

致

僖八年秋七月禘于太廟用致夫人

致猶致女也  
父母家之辭

也蓋齊女先妾耳而致之為夫人非禮矣故去  
氏姓以見之且致夫人重事例當日其不日猶  
曰妾非所以為夫人故不  
以尊禮舉之也詳具經解

右一變例

孫

莊元年三月夫人孫于齊

君夫人諱奔猶曰孫位  
而去云爾夫人孫重事

例當日夫人久在齊不  
可以日致也詳具經解

閔二年九月夫人姜氏孫于邾

其不日以罪略之  
蓋曰夫人有罪不

以尊禮舉之也  
文姜猶是致也

右二變例

喪至

僖元年十有二月丁巳夫人氏之喪至自齊

右一著例

薨

隱二年十有二月乙卯夫人子氏薨

莊二十一年秋七月戊戌夫人姜氏薨

僖元年秋七月戊辰夫人姜氏薨于夷

文四年冬十有一月壬寅夫人風氏薨

文十六年秋八月辛未夫人姜氏薨

宣八年夏六月戊子夫人嬴氏薨

襄二年夏五月庚寅夫人姜氏薨

襄四年秋七月戊子夫人妣氏薨

襄九年五月辛酉夫人姜氏薨

昭十一年五月甲申夫人歸氏薨

定十五年秋七月壬申妣氏卒

哀十二年夏五月甲辰孟子卒

右十二著例

葬

莊二十二年春王正月癸丑葬我小君文姜

僖二年夏五月辛巳葬我小君哀姜

文五年春三月辛亥葬我小君成風



文十七年夏四月癸亥葬我小君聲姜

宣八年冬十月己丑葬我小君敬嬴

襄二年秋七月己丑葬我小君齊姜

襄四年八月辛亥葬我小君定姒

襄九年秋八月癸未葬我小君穆姜

昭十一年九月己亥葬我小君齊歸

定十五年九月辛巳葬定姒

右十著例

例月

公納幣

莊二十二年冬公如齊納幣

納幣大夫之事而公親之又未終母喪而

嘉禮是行故不月以見識

右一變例

公逆女

莊二十四年夏公如齊逆女春秋識不親迎公於齊則有父讎之弗報

於內則有母喪而圖婚然則親迎祇以為罪也故不月以見識

右一變例

夫人逆婦

文四年夏逆婦姜于齊

譏姑逆也  
解具經解

右一變例

大夫逆女

桓三年秋七月公子翬如齊逆女

承日食月春秋之例逆夫人例

月以為有國之重事惟不正其使大夫逆然後不月以見譏桓無譏然則公子翬逆女猶月者

也詳具  
經解

宣元年春王正月公子遂如齊逆女承即位月不特譏使大夫

逆又譏喪娶

成十四年秋叔孫僑如如齊逆女禮有親迎不正使大夫逆故不

月以見譏

右三變例

至始至

桓三年九月夫人姜氏至自齊

右一著例

大夫以夫人至

宣元年三月遂以夫人婦姜至自齊

成十四年九月僑如以夫人婦姜氏至自齊

右二著例

歸

文十八年冬十月夫人姜氏歸于齊

右一著例

饗

莊四年春王二月夫人姜氏饗齊侯于祝丘

饗兩君之

禮重事  
例當月

右一著例

例時

會

莊二年冬十有二月夫人姜氏會齊侯于禚

為宋公卒

月

莊七年春夫人姜氏會齊侯于防

是年冬夫人姜氏會齊侯于穀

僖十七年秋夫人姜氏會齊侯于卞

右四著例

如

莊五年夏夫人姜氏如齊師

莊十五年夏夫人姜氏如齊

莊十九年秋夫人姜氏如莒

莒魯蓋婚姻之國故夫人如莒夫人如莒

非禮也是加月以見譏者然公子結遂及齊侯宋公盟故不月矣先事故不月後事亦不得而

月二十年二月夫人如  
莒加月以譏是其例

莊二十年春王二月夫人姜氏如莒

文九年春夫人姜氏如齊

右五著例三其變例二

至

文九年三月夫人姜氏至自齊

此出姜也十八年歸于齊者是也

人不允于魯故終以見出是行也夫人其有不允之證乎臣子殆其往而喜其反故致之不然夫人之行不致也故加月重錄之見臣子以是為危矣



右一變例

大夫納幣

文二年冬公子遂如齊納幣

右一著例

諸侯送女

桓三年九月齊侯送姜氏于謹為公會月

右一著例

大夫宗婦覲

莊二十四年八月戊寅大夫宗婦覲用幣

大夫之婦同宗

者也宗婦覲淺事也例當時而  
以日志所以致譏乎用幣焉爾

右一變例

內女門

例日

卒

莊四年三月紀伯姬卒

莊二十九年冬十有二月紀叔姬卒

僖九年秋七月乙酉伯姬卒

僖十六年夏四月丙申鄆季姬卒

文十二年二月庚子子叔姬卒

成八年冬十月癸卯杞叔姬卒

右六著例四其失日者二

例月

大夫為君逆

隱二年九月紀裂繻來逆女

右一著例

歸

隱二年冬十月伯姬歸于紀

隱七年春王三月叔姬歸于紀

莊二十五年六月伯姬歸于杞

僖十五年秋九月季姬歸于鄆

成九年二月伯姬歸于宋

右五著例

執

文十四年冬齊人執子叔姬

子叔姬與單伯有罪於齊者也執內大夫

例月知執內女亦例月矣其不月以譏內也

右一變例

葬

莊四年夏六月乙丑齊侯葬紀伯姬

凡內女為諸侯夫人然後

卒葬諸侯例月知夫人葬亦例月也此加日而葬隱之也亡國之葬也詳具經解

莊三十年八月癸亥葬紀叔姬

加日以葬隱之也亡國之葬也

襄三十年秋七月葬宋共姬

右三著例一其變例二

例時

來納幣

成八年夏宋公使公孫壽來納幣

右一著例

大夫自逆

莊二十七年冬莒慶來逆叔姬

宣五年秋九月齊高固來逆叔姬為叔孫卒月

右二著例

大夫致女

成九年夏季孫行父如宋致女

右一著例

來媵

成八年冬十月衛人來媵承杞叔姬卒月

成九年夏晉人來媵

成十年五月齊人來媵

承公會月

右三著例

來

莊二十七年冬杞伯姬來

僖二十八年秋杞伯姬來

宣五年冬齊高固及子叔姬來

右三著例

來歸



文十五年十有二月齊人來歸子叔姬子叔姬有罪齊人使

致責于我而後歸之故加月以見譏

宣十六年秋鄭伯姬來歸

成五年春王正月杞叔姬來歸

四年杞伯來朝而五年叔姬來歸杞

伯之來告絕叔姬也且杞伯來朝而告絕知杞之有辭矣以叔姬之來歸為內過故加月以見

譏

右三著例一其變例二

歸復歸

莊十二年春王三月紀叔姬歸于鄆

豈紀季以鄆入齊是時叔

姬來魯乎故今歸于鄆也不書其來閔之也書其歸喜復其所也故詳錄而加月詳具經解

右一變例

遇

僖十四年夏六月季姬及鄆子遇于防使鄆子來

朝

凡遇之志故譏也此又謹錄而加月

右一變例

來逆婦

僖二十五年夏宋蕩伯姬來逆婦

右一著例

來求婦

僖三十一年冬杞伯姬來求婦

右一著例

來朝子

僖五年春杞伯姬來朝其子

右一著例

來逆喪

成九年春王正月杞伯來逆叔姬之喪以歸為公會月

右一著例

春秋本例卷七